

元史紀事本末

无史紀事本末

元史紀事本末卷二十二

明

高

安

陳邦瞻

編

輯

太

倉

張

溥

論

正

三帝之立

明宗
文宗

順帝

仁宗延祐二年十二月立武宗子和世球為周王出

鎮雲南初武宗既立帝為太子後丞相三寶奴復勸

立和世球召康里脫脫言之脫脫曰太弟定宗社居

東宮已久兄弟叔姪世世相承孰敢紊其序乎三寶

奴曰今日兄已授弟異日能保叔授其姪乎脫脫曰

在我不可渝彼失其信天實鑒之至是議立太子鐵



元史紀事本末 卷二十一
木迭兒欲固位取寵乃請立皇子碩德八剌又與太后幸臣失烈門譖和世琜於兩宮遂封爲周王遣出鎮雲南

三年三月置周王常侍府官屬以禿忽魯幹耳朶尙家奴孛羅教化等爲之 十一月周王和世琜次延安其臣禿忽魯尙家奴及武宗舊臣釐曰沙不丁哈八兒禿等皆來會教化謀曰天下者我武宗之天下也王之出鎮本非上意由左右讒搆致然請以其故白行省俾聞之朝廷庶可杜塞離間不然事變叵測遂與數騎馳去先是阿思罕爲太師鐵木迭兒奪其

位出之爲陝西行省丞相及教化等至卽與平章政事塔察兒行臺御史大夫脫里伯中丞脫歡悉發關中兵分道自河中府入已而塔察兒脫歡襲殺阿思罕教化於河中和世琫遂西行至北邊金山西北諸王察阿台等聞和世琫至咸率眾來附和世琫至其部與定約束每歲冬居札顏夏居幹羅幹察山春則命從者耕於野泥十餘年間邊境寧謐

英宗至治元年五月遷武宗第二子圖帖睦爾於瓊州時右丞相鐵木迭兒懷私固寵構豐骨肉諸王大臣莫不自危中政使咬住告脫歡察兒等交通親王

於是徙圖帖睦爾居海南因禁日者毋交通諸王駙
馬掌陰陽五科者毋泄占候

泰定帝泰定元年正月召圖帖睦爾於瓊州 十月
封圖帖睦爾爲懷王居建康

致和元年九月文宗天歷元年 三月徙懷王圖帖
睦爾於江陵 七月帝崩於上都年三十六葬起輦
谷稱爲泰定帝

王禕曰武宗以兄弟相及約繼世子孫迭居大位
而仁宗惑於儉言不守宿諾傳位英宗仍使武宗
二子明宗文宗出居於外及英宗遇弒而明宗在

北文宗在南晉邸乘間入繼大統或謂晉邸非所
宜立雖然晉王於世祖孫也於次爲長雖守藩服
嘗有盟書今而國統之弗繼則求所當立者舍晉
王之系將誰屬耶然則謂晉邸非所宜立者亦過
也舊傳英宗之弑晉邸與聞乎故其歿不舉請謚
升祔之典明其爲賊也然考之實錄皆不得其實
傳聞之謬烏可信哉

初帝由晉邸立而和世球兄弟以武宗子播越南北
人心念之僉樞密院事燕帖木兒自以身受武宗寵
拔之恩謀欲立其二子乘帝有疾與諸王滿禿等陰

圖其事至是帝崩皇后皇太子遣使詣大都命平章政事烏伯都剌收掌百司印章及諭安百姓 八月甲午百官集興聖宮燕帖木兒率阿剌鐵木兒孛倫赤等十七人兵皆露刃號於眾曰武宗皇帝有子二人天下正統當歸之敢有不順者死遂手縛平章烏伯都剌伯顏察兒分命勇士執中書左丞朶朶參政王士熙參議脫脫吳秉道侍御史鐵木哥兀世傑太子詹事丞王桓等皆下獄燕帖木兒與西安王阿剌忒納失里共守內庭推前湖廣行省左丞相別不花爲中書左丞相詹事塔失海牙爲中書平章速速爲

左丞王不憐言台爲樞密副使與中書右丞趙世延等分典庶務調兵守禦關隘徵諸衛兵屯京師下郡縣造兵器出府庫犒軍士燕帖木兒直宿禁中達旦不寐一夕再徙人莫知其處是時周王和世疎遠在沙漠猝未能至慮生他變乃遣前河南參政明里董阿迎懷王圖帖睦爾於江陵密以意諭河南行省平章伯顏令簡兵以備扈從且令塔失帖木兒矯爲南使言懷王已次近郊使民無驚疑 己亥明里董阿至汴梁與伯顏合謀執行省臣皆下之獄 癸卯伯顏殺平章曲烈及右丞別鐵木兒是日明里董阿等

至江陵甲辰懷王發江陵遣使召鎮南威順高昌諸王來會執湖廣行省左丞馬合謀送京師以別薛代之河南行省出府庫金銀鈔錠分給官吏將士又命有司造乘輿供帳儀仗等物平章伯顏勒兵以俟參政脫孛臺獨曰今蒙古軍與宿衛之士俱在上都而令探馬赤軍守諸隘吾恐此事之不可成也是夜脫孛臺將手刃殺伯顏伯顏覺遂拔劍殺脫孛臺而奪其所部軍器馬匹 丁未燕帖木兒遣其弟撒敦守居庸關唐其勢屯古北口戊申燕帖木兒又令乃馬台矯爲使者北來言周王亦整兵南行聞者皆悅懷

王命伯顏爲河南行省左丞相遣孛羅等將兵守潼關己酉丞相倒刺沙殺諸王滿禿於上都滿禿時與阿馬刺台宗正札魯忽赤闊闊出平章買閭集賢學士兀魯思不花太常禮儀院使哈海赤等十八人同附燕帖木兒事覺被殺庚戌懷王至汴梁伯顏等扈從北行以前翰林學士阿不海牙爲河南行省平章事辛亥以燕帖木兒知樞密院事壬子脫脫木兒帥其軍自上都來歸卽命守古北口癸丑上都諸王以兵分道攻大都乙卯脫脫木爾及上都諸王失刺平章乃馬台詹事欽察戰於宜興斬欽察

元史紀事本末 卷二十一 五
於陣擒乃馬台送京師戮之失刺敗走 丁巳懷王
入京師居大內 以明里董阿闊闊台速速並爲平
章政事曹立爲右丞伯顏爲御史大夫趙世延爲御
史中丞高昌王鐵木兒補化知樞密院事 己未上
都梁王王禪右丞相塔失鐵木兒太尉不花平章政
事買間御史大夫紐澤等兵次榆林隆鎮衛指揮黑
漢謀附上都坐棄市 是月倒刺沙立泰定帝子阿
速吉八爲帝於上都年九歲改元天順 九月庚申
朔燕帖木兒督師居庸關遣撒都以兵襲上都兵於
榆林擊敗之追至懷來而還隆鎮衛指揮幹都蠻以

兵襲上都諸王滅里帖木兒脫木赤於陀羅臺執之
歸於京師 壬戌懷王遣使祭五嶽四瀆命速速宣

諭中外曰昔在世祖以及列聖臨御咸命中書省綱
維百司總裁庶政凡錢穀銓選刑罰興造罔不司之
自今除樞密院御史臺其餘諸司及左右近侍敢有
隔越中書奏語者以違制論監察御史其糾言之

賜上都將士來歸者鈔各有差 召燕帖木兒赴闕

上都諸王也先帖木兒等自遼東以兵入遷民鎮
丁卯燕帖木兒率諸王大臣請懷王早正大位以
安天下王以兄周王和世球在漠北欲虛位俟之燕

帖木兒曰人心向背之機間不容髮一或失之噬臍無及王曰必不得已當明吾志播告天下 己巳上都諸王忽刺台等引兵入崞州 遣撒敦拒遼東兵於薊州東流沙河阿兀刺守居庸關 以也速台兒知行樞密院事將兵行視大行諸關西擊河中潼關軍 辛未殺烏伯都刺流朶朶王士熙伯顏察兒脫歡等於遠州並籍其家 壬申懷王卽皇帝位於大都詔曰洪惟我太祖皇帝混一海宇爰立定制以一統緒宗親各受分地勿敢妄生覬覦此不易之成規萬世所共守者也世祖之後成宗武宗仁宗英宗以

公天下之心以次相傳宗王貴戚咸遵祖訓至於晉
邸具有盟書願守藩服而與賊臣鐵失也先鐵木兒
等潛通陰謀冒干寶位使英宗不幸罹於大故朕兄
弟播越南北備歷艱險臨御之事豈獲與聞朕以叔
父之故順承惟謹於今六年災異迭見權臣倒刺沙
烏伯都刺等專權自用疎遠勳舊廢棄忠良變亂祖
宗法度空府庫以私其黨類大行上賓利於立幼顯
操國柄用成其姦宗王大臣以宗社之重統緒之正
協謀推戴屬於眇躬朕以菲德宜俟大兄固讓再三
百僚耆老以爲神器不可以久虛天下不可以無主

周王遼隔朔漠民庶遑遑已及三月誠懇迫切朕姑從其請謹俟大兄之至以遂朕固讓之心已於致和元年九月十三日卽皇帝位於大明殿其以致和元年爲天歷元年可大赦天下於戲朕豈有意於天下哉重念祖宗開創之艱恐墮大業是以勉徇輿情尙賴爾中外文武臣僚協心相與輯寧億兆以成治功咨爾多方體予至意 癸酉封燕帖木兒爲太平王 乙亥上都王禪兵襲破居庸關將士皆潰燕帖木兒軍次三河 丙子王禪游兵至大口燕帖木兒還軍次榆河帝出齊化門視師 丁丑燕帖木兒來見

曰乘輿一出民心必驚軍旅之事臣請以身任之帝
卽日還宮 戊寅燕帖木兒與王禪前軍戰於榆河
敗之追奔紅橋北其樞密副使阿敕帖木兒指揮使
忽都帖木兒復以兵會王禪來戰又敗之 辛巳燕
帖木兒與上都軍大戰於白浮之野敗之明日大霧
王禪等遁崑山收集散亡復來戰燕帖木兒列陣白
浮西敵不敢犯至夜撒敦脫脫木兒前後夾攻敗走
之追及於昌平北斬首數千級降者萬餘人帝遣使
諭燕帖木兒曰丞相每臨陣躬冒矢石脫有不虞奈
何自今第以大將旗鼓督戰可也燕帖木兒對曰凡